

أعمال الرسائل 2

[Bible App for Kids](#)  **المصدر**

سؤال: ليه الروح القدس عايش جوايا؟

يعني ربنا العظيم جداااااااااا ... هيب يعيش جوايا ليه؟؟

💡 **الإجابة: عشان يدينى القوة ... إنى أعيش زى ربنا يسوع**

تعالوا نشوف اِزای

كارتون الكتاب المقدس - حلول الروح القدس



💡 **نشوف ايه فى القصة دي؟**

الرسل سمعوا صوت ريح شديد و حل عليهم ألسنة نار

و الروح القدس به و سكن في كل الرسل اللى كانوا متجمعين

و إدا هم نعمة ... و مواهب مكانتش عندهم (زى إنهم يعرفوا يتكلموا عن ربنا بلغات غير لغتهم لناس ميعرفوهمش)

و ده كان لازم عشان يبشروا فى كل الدنيا بالخلاص العظيم اللى ربنا يسوع عمله و بقيامته ... عشان الكل يخلص

وامتلأ الجميع من الروح القدس، وابتدأوا يتكلمون باللسنة أخرى كما أعطاهم الروح أن ينطقوا (أعمال الرسل 2 : 4)

نفس الروح القدس ده هو اللي ، جوانا ... هو اللي ، أخذناه جوانا لما اترשמنا بالمير ون بعد المعمودية

بعد ما ربنا يسوع صعد السما، أرسل الروح القدس عشان يحل على التلاميذ و يبشروا كل الناس ... ده نفس الروح اللي فينا

ال حاجات الى المفروض نعملها؟



الهدية بنديها لحد إحنا بنحبه في عيد ميلاده

و ربنا إدالنا أعظم هدية ... روحه القدس ... يعني هو بنفسه بيسكن جوانا و يدينا قوة عظيمة
طبعاً إحنا أخذناها لما اتولدنا بجد في المعمودية و الميرون

و إحنا بنمسك في الروح القدس أكثر و أكثر لما نختار نسمع كلام ربنا ... كده إحنا بنديله فرصة يقودنا و يشتغل فينا

- 2



البيت هو المكان اللي بنعيش فيه و نرتاح فيه و نحبه

و ربنا حب إن روحه القدوس يسكن فينا ... و نبقى زي الهيكل اللي في الكنيسة بالظبط ... و عمره ما هيسيبنا

إحنا الروح القدس ساكن في قلبنا ... بيطقنا و يعزينا و يشجعنا و يقوينا
أنا عمري ما هاكون لوحدي ... الروح القدس دايماً فيّ و معايا و بيقويني

- 3



المراية لقا بنبص فيها بنقدر نشوف نفسنا
و الروح القدس مش بيغيرنا من برة ... يعني لو بصينا مش هنلاقي شكلنا مختلف

الروح القدس بغير قلبنا و ينضّفه و يقوينا من جوة

! **المشكلة:** ساعات باحب آخذ أحسن حاجة لنفسي ... يعني في اللعب و المكان و الفسحة أحب أبسط نفسي حتى على
حساب أصحابي ☹️

؟ **الحل:**


أفكر ربنا يسوع ... اللي قال اللي عايز يبقى عظيم يبقى آخر الكل ... يعني يقدم سعادة الناس حتى لو على حساب سعادته شوية
ده اللي الروح القدس اللي فينا بيقول لنا نعمله ... و مش بس كده، ده كمان بيدينا قوة عشان نعمله
طلي إن الروح القدس يغيرك 😊

بقوة آيات وعجائب، بقوة روح الله (رومية 15 : 19)

؟ يعني هنا القديس بولس الرسول كان بيتكلم إن ربنا إداله أعظم هدية ... روحه القدوس ... و ده اللي خلى القديس بولس يقدر يعمل اللي ربنا عايزه منه و يبقى رسول عظيم
♥ تعالوا نصلّي مع بعض:

يا رب ... أشكرك إنك إديتني الروح القدس يملاني و يسكن قلبي ... أعظم هدية
يارب .. إديني القوة أعيش زي ربنا يسوع

صورة للتلوين: الروح القدس و هو بيحل على الرسل في يوم الخمسين



تعالوا نفتكر إن نفس الروح القدس اللي حل على الرسل و إداهم قوة عظيمة ... هو اللي حل فينا ... و إننا ممكن نديله
فرصة يقود حياتنا كلها و يخلينا شبه ربنا يسوع



بعد كده ... ظهرت ألسنة من نار و استقرّت على
كل واحد منهم ... و الروح القدس ملا كل واحد فيهم